

c. iii^{xx}.xi.

(...)

Accord de()fabry, Ratier,

.....

Comme ainsy soict qu()**anthoine bon** ayant prins en colloge de]~~messieurs les~~[feu monsieur m(aîtr)e **ja(c)ques dandrieu** p(rest)bre et curé de villemur divers biens dependant des **tables de la trinité et du purgatoire establys en l()esglize saint michel de villemur** qu estoict **pour lhors unies a la cure** dudict villemur soubz la pention et conditions appozées au bail de colloge a luy faict par ledict sieur dandrieu, eust faict eschange avec feu noble **jean ja(c)ques de()gimat** d une desdictes piece de terre size dans la parroisse de **magnanac** et lieu dict **a la garrosse** de la contenance de quatre esminées quatre boisseaux confronte du levant le chemin de sairac a villemur, midy et septentrion terre de dam(ois)elle **caherine de la combe** et du couchant terre de **guerin santusans**, et qu'en contreschange ledict sieur gimat eust bailhé audict bon une piece de terre size dans ladicte parroisse de la contenance de cinq esminées deux razes confronte du levant terre de ladicte de la combe midy terre de noble **françois de pouzolz sieur de beaufort**, couchant le chemin de villemur a frontong, et de septentrion terre de **jean vige** et()**jean flourestan**, soubz les conditions

.....

c. iii^{xx}. xii.

portées par ledict **contract deschange** du **dix neufiesme juillet mil six cens quarente trois** receu par feu m(aîtr)e **jean bascoul notaire** dudict villemur desquelles pieces de terre ledict feu sieur gimat et ledict feu bon auroict jouyt chacun comme le consernoict leur vie durant et **après leur decés lesdictes tables ayant esté desunies de ladicte cure par transh(c)tion du dix neufiesme de janvier mil six cens cinquante sept** receue par **moy dict notaire** passéé entre monsieur m(aîtr)e **bernard des inocens** p(rest)bre et recteur dudict villemur, m(aîtr)e **andré riviere** cy devant curé

et les sieurs consulz de villemur tous les biens dependans desdictes tables auroict esté **remis aux encherés** et particulieremant les biens bailhés en colloge audict bon, et les proclamations d iceux ayant esté faictes selon les formalités de justice il fust fait nouveau bail desdictz biens a **anthoine vedel** laboureur de magnanac, comme faisant la condiction meilleure desdictes tables par ledict sieur des inocens lors curé dudict villemur par messieurs les consulz dudict villemur, et par messieurs les margulliers clerchez eslaiques desdictes tables soubz la pention annuelle de sept sacz

.....

bled, trois sacz seigle, un paire chapons, et un paire poules, comme ce voict du **bail** receu par m(aîtr)e **estienne hugonenc** notaire de ceste ville le **vingt deuxiesme aoust mil six cens cinquante sept** en consequence duquel bail ledict vedel ayant voulu jouir desdictz biens, il auroict trouvé que **feu m(aîtr)e jean de la croix advocat en la cour et dam(ois)elle perrette de fabry maries** estoict en possession et()jouissance de la susdicte piece de terre size dans ladicte parroisse de **magnanac** et lieu dict **a la garrosse** cy devant limitté et deaigné, il les auroict fait assigner en delaissement de ladicte piece de terre en la cour de monsieur le seneschal de toloze ou parties s estant presentées **sentance** fust rendue **au proffict desdictz mariés** delaquelle ledict vedel auroict interjetté **appel en la souveraine cour de parlemant de toloze**, et comme il poursuivoct le jugemant dudict appel ledict sieur **de la croix estant venu a deceder**, ledict vedel auroict subroge a son lieu et()place le sieur **bertrand ratier** bourgeois de villemur par **acte du vingt sixiesme novembre mil six cens soixante trois receu par m(aîtr)e anthoine boyé** no(tai)re dud(it) villemur pour par luy prendre et percepvoir les fruitz desdictes

.....

c. iiii^{xx}. xiii.

biens a()l()advenir soubz les charges et conditions esnoncées en sondict bail, comme il pouvoict faire au moyen d()icelluy, & après lad(ite) subrogation ledict ratier auroict fait diverses poursuittes audict parlemant et estant a la veille d avoir arrest par la **mediation** de pluzieurs personnes

il auroict convenu du susdict differant avec
ladicte dam(ois)elle de fabry en la forme et maniere
que s ensuict, pour cé est il que ce jourd huy
dix neufiesme du mois d **aoust mil six cens**
soixante quatre avant midy regnant louis &a
pardevant moy notaire dans ma boutique
a **villemur** &a establys en personne ladicte
dam(ois)elle de fabry vefve dudict sieur de la croix
d une part, et ledict ratier d autre, lesquelles
partyes de leur gré, et de l advis, conseil,
approbation et consantemant de monsieur m(aître)
anthoine de lerys con(seill)er aumosnier ordinaire du roy
p(rest)bre et chapelain en l()esglize nostre dame de
paris, et curé de villemur icy presant ont
transhigé et accordé que ledict procès cessera et
prendra fin par vertu de ce contract avec ses
circonstances et dependances pour n estre
poursuivy doresnavant de part ny d autre
et quand au principal ont convenu et accordé

.....
que ladicte dam(ois)elle de fabry jouira a l advenir
tant de la susdicte piece de terre depandant
desdictes tables sçize dans ladicte parroisse
de magnanac terroir de la garrosse cy devant
limitté dezignéé, et confrontée que de celle que
ledict feu sieur gimat auroict bailhé par le
susdict contract deschange audict bon, aussy
a plain limitté et confrontéé en cest acte, sans
que ledict ratier ny les siens a()l()advenir y
puissent rien prethendre, ny demander, au moyen
de la subrogation a luy faicte par ledict vedel
ny autrement en quelque forme et maniere que
se soict, et en consideration du delaissemant
faict par ledict ratier a ladicte dam(ois)elle de fabry
de la susdicte piece de terre size comme dict est
au terroir de garrosse elle s()oblige de payer
par chacun an et aux termes portés par
le bail faict audict vedel audict sieur de lerys et
margulliers et a leurs sucesseurs a l advenir
a la decharge dudict ratier et en diminution
de la rente qu()il est tenu de leur payer pour les
susdictz biens la quantité de trois sacz seigle
a ladicte mesure & ce a peine de luy respondre
de tous despans domages et()intherestz laquelle
rente de trois sacz seigle ladicte dam(ois)elle de fabry

promect et s oblige de payer l année courante
suivant la convention expresse des parties,
et le surplus de ladicte rente sera payé par
ledict ratier tous les ans et en tiendra quitte
et affranchie la susdicte piece de terre delaissé
par cest acte a ladicte dam(ois)elle de fabry en tant
qu est de bezoing ledict ratier met et subrog
en son lieu et place ladicte dam(ois)elle et consant
qu()elle jouisse de ladicte piece de terre comme
il pouvoit faire au moyen de lad(ite) subrogation
& finalement a esté convenu que ladicte
dam(ois)elle de fabry se chargera des ce jourd huy
sur **le compoix de ceste ville** de la piece de terre
depondant desdictes tables et en payera par
cy après toutes les tailhes et autres charges
de quelle nature qu()elles soient sans que ledict
ratier soit tenu d y contribuer en]rien[aucune
maniere, & a l()esgard des frai et despans
expozés audict procès chacun suportera les
siens et n()en pourra rien demander a l autre
et pour tenir et garder ce dessus
ainsy promis et stipulé par les parties icelles
checune pour cé quy la conserne ont obligées
tous leurs biens presans et advenir qu ont
soubzmis aux rigueurs de justice et l ont juré

.....
a dieu par seremant presans m(aîtr)e pierre
prouho advocat en la cour, noble françois
de pouzolz sieur de beaufort, et estienne bourdet
praticien de villemur signés avec les parties
et moy notaire, /

Deleris, approuvant

P. defabry Beaufort, p(rése)nt

Ratier Prouho, p(rése)nt

Bourdes Custos, not(air)e r(oyal)